

# ხელშეკრულება სახელმწიფო შესყიდვის შესახებ ს და ს№ 21-17

ქ. თბილისი

27 თებერვალი 2017 წელი

ერთი მხრივ, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი, წარმოდგენილი მისი თავმჯდომარის მოადგილის მოვალეობის შემსრულებლის ალექსანდრე თევდორაძის სახით, მის: ქ. თბილისი, ალ. ყაზბეგის გამზ. №12, საიდენტიფიკაციო კოდი: 211 343 982, საბანკო რეკვიზიტები: სახელმწიფო ხაზინა, ბანკის კოდი: TRESGE22 ანგარიშის ნომერი: 200122900 (შემდგომში - „შემსყიდველი“)

და მეორე მხრივ, ააიპ „შენებლობის შემფასებელთა კავშირი“, წარმოდგენილი მისი პრეზიდენტის მარინა ხოფერიას სახით, საიდენტიფიკაციო კოდი: 205 004 243 მისამართი: საქართველო, თბილისი, ზ.ჭავჭავაძის ქ.№5 საბანკო რეკვიზიტები: სს „საქართველოს ბანკი“ ბანკის კოდი: BAGAGE22 ანგარიშის ნომერი: GE 46 BG 0000 0003 4835 5500 (შემდგომში - „მიმწოდებელი“)

ორივე ერთად წოდებული - მხარეებად

სახელმწიფო შესყიდვების შესახებ 2015 წლის 17 აგვისტოს №13 ბრძანებით დამტკიცებული გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის მე-9 მუხლის და სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის „ს“ ქვეპუნქტის და შემსყიდველის შესაბამისი სტრუქტურული ქვედანაყოფის - საავტომობილო გზების საინჟინრო-ტექნიკური სამსახურის უფროსის დავით კალაძის 2017 წლის 21 თებერვლის N1210-2 მოხსენებითი ბარათის საფუძველზე, ვდებთ ამ ხელშეკრულებას შემდეგზე:

## მუხლი 1. ხელშეკრულების საგანი

- 1.1 ამ ხელშეკრულების საგანს წარმოადგენს შემსყიდველის საჭიროებისათვის, სამშენებლო რესურსების ფასების კვარტალური კრებული და მეთოდური ცნობარის შესყიდვა – (შემდგომში საქონელი).
- 1.2 CPV კოდი: 221 00000 - ნაბეჭდი წიგნები, ბროშურები და საინფორმაციო ფურცლები.

## მუხლი 2. ღირებულება და ანგარიშსწორების წესი

- 2.1 ხელშეკრულების ღირებულება საქართველოს კანონმდებლობით გათვალისწინებული გადასახადების ჩათვლით შეადგენს - 155.00 (ას ორმოცდათხუთმეტი) ლარს.
- 2.2 შესყიდვის ობიექტის ერთეულის ღირებულება, რაოდენობა და აღწერილობა მოცემულია დანართში N1 - ფასების ცხრილი, რომელს წარმოადგენს ამ ხელშეკრულების განუყოფელ ნაწილს.
- 2.3 მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით, საქართველოს ეროვნულ ვალუტაში.
- 2.4 შემსყიდველი ანგარიშსწორებას ახორციელებს მიმწოდებლის მიერ ფაქტობრივად მიწოდებული საქონლის მიღება-ჩაბარების აქტის გაფორმებისა და დღგ-ს ანგარიშფაქტურის დადასტურებიდან (თუ მიმწოდებელი დარეგისტრირებულია დღგ-ს გადამხდელად) - არაუგვიანეს 10 საბანკო დღის განმავლობაში.

## მუხლი 3. საქონლის შესაბამისობა

- 3.1 ხელშეკრულების პირველი მუხლით გათვალისწინებული საქონელი უნდა შეესაბამებოდეს მსგავსი საქონლისათვის უკვე არსებულ სტანდარტებსა და შემსყიდველის მოთხოვნებს.
- 3.2 ამ მუხლის 3.1. პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მიწოდებული საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

## მუხლი 4. საქონლის მიღება-ჩაბარების წესი

- 4.1 მიმწოდებლის მიერ მოწოდებული საქონელი მიღებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ.
- 4.2 ამ ხელშეკრულების ფარგლებში მიწოდებული საქონლის მიღება-ჩაბარებას ახორციელებს შემსყიდველის სტრუქტურული ქვედანაყოფი - საავტომობილო გზების საინჟინრო-ტექნიკური სამსახური.

#### მუხლი 5. მხარეთა უფლება-მოვალეობანი

##### 5.1. მიმწოდებელი ვალდებულია:

- 5.1.1 ხელშეკრულებით ნაკისრი ვალდებულებების შესრულება განახორციელოს ამ ხელშეკრულებით გათვალისწინებული პირობების შესაბამისად;
  - 5.1.2 საქონლის მიწოდების პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;
  - 5.1.3 უზრუნველყოს საქონლის მიწოდება ეტაპობრივად ხელშეკრულების გაფორმებიდან ყოველ კვარტალში 2017 წლის 31 დეკემბრის ჩათვლით.
  - 5.1.4 ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოებების შესახებ;
  - 5.1.5 შეასრულოს საქართველოს კანონმდებლობით გათვალისწინებულ სხვა ვალდებულებები.
- 5.2. შემსყიდველი ვალდებულია შეუფერხებლად აუნაზღაუროს მიმწოდებელს მიწოდებული საქონლის ღირებულება ამ ხელშეკრულებით გათვალისწინებული ვადების შესაბამისად;

#### მუხლი 6. ფორს-მაჟორი

- 6.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).
- 6.2 მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

#### მუხლი 7. პასუხისმგებლობა

- 7.1 ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% არაუგვიანეს 5 სამუშაო დღეში და უზრუნველყოს დარღვევის დაუყოვნებლივ გამოსწორება.
- 7.2 იმ შემთხვევაში, თუ მიმწოდებელზე ხელშეკრულების პირობების დარღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს
- 7.3 ამ მუხლის 7.1 პუნქტის საფუძველზე დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია მიმწოდებელს მიწოდებული საქონლის ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა მოქმედი კანონმდებლობის შესაბამისად.

#### მუხლი 8. ინსპექტირება

- 8.1 ამ ხელშეკრულებით გათვალისწინებული პირობების შესრულების ინსპექტირებას შესაბამის ადგილზე ახდენს შემსყიდველის სტრუქტურული ქვედანაყოფი - საავტომობილო გზების საინჟინრო-ტექნიკური სამსახური.
- 8.2 ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს გაწეული მომსახურების და მიწოდებული საქონლის ხარისხის ინსპექტირება.

#### მუხლი 9. ხელშეკრულების შეწყვეტა

- 9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
- 9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.
- 9.3 ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

- 9.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
- 9.4.1 მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
  - 9.4.2 მიმწოდებლის მიმართ მიმდინარეობს გაკოტრების ან/და გადახდისუუნარობის საქმის წარმოება (მიუხედავად მისი დაწყების დროისა);
  - 9.4.3 მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
  - 9.4.4 მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
  - 9.4.5 ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება.
  - 9.4.6 საქართველოს კანონმდებლობით გათვალისწინებულ სხვა შემთხვევაში.

**მუხლი 10. სხვა პირობები**

- 10.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს 2018 წლის 31 იანვრის ჩათვლით.
- 10.2 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.
- 10.3 იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია გასაწევი მომსახურების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.
- 10.4 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.6 ამ ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.7 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან ორი კვირის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

**მუხლი 11. მხარეთა ხელმოწერები**

**შემსყიდველი:**

საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი



ალექსანდრე თევდორაძე

**მიმწოდებელი:**

აიპ „მშენებლობის შემფასებელთა კავშირი“



მარინა ხოფერია

Handwritten signatures in blue ink, including the signature of Alexander Tevdoradze and Marina Khoferia, along with other illegible signatures.

ფასების ცხრილი

CPV კოდი	დასახელება	საზ. ერთეული	რაოდენობა	ერთეულის ფასი (ლარი)	საერთო ფასი (ლარი)
221 00000	სამშენებლო რესურსების ფასთა კრებული I, II, III და IV კვარტლის დონეზე 2017 წლის	ცალი	4	35.00	140.00
221 00000	მეთოდური ცნობარი	ცალი	1	15.00	15.00
ჯამი					155.00



ალექსანდრე თევდოშაძე



მარინა ხოფერია



საქართველოს რეგიონული განვითარებისა და ინფრასტრუქტურის სამინისტრო

საავტომობილო გზების დეპარტამენტი

ხელწერილი ინტერესთა კონფლიქტის არარსებობის შესახებ

თბილისი

27 თებერვლის 2017 წელი

ინტერესთა კონფლიქტის თავიდან აცილების მიზნით, „სახელმწიფო შესყიდვების შესახებ“ საქართველოს კანონის მე-8 მუხლის („ინტერესთა კონფლიქტის თავიდან აცილების პირობები“) შესაბამისად ვადასტურებთ, რომ საქართველოს საავტომობილო გზების დეპარტამენტის თანამშრომლები ქვემოაღნიშნულ მიმწოდებელთან, ინტერესთა კონფლიქტში არ ვიმყოფებით, რასაც ვადასტურებთ ხელისმწერით:

მიმწოდებელი:

აიპ „მშენებლობის შემფასებელთა კავშირი“

ხელშეკრულება

ს და ს № 21-17

ალექსანდრე თევდორაძე

დავით კალაძე

შალვა ჯულაყიძე

დავით საჯაია

ხატია ამილახვარი

სალომე წურჭუმია

თათია კიპაროძე

ფიქრია კვერნაძე